

Nyagasani Nyir'ubutagatifu afite amazina meza atarondoreka n'ibisingizo bihebuje byinshi kandi bihambaye bigaragaza ubutungane bwe. Amwe muri ayo mazina ye: Ni uko ari we AL KHALIQU: Umuremyi, ALLAH: Usengwa, ukwiye kugaragirwa wenyine ntacyo abangikanyijwe nacyo, AL HAYYU: Uhoraho ufite ubuzima buzira inenge, AL QAYYUM: Uwibeshejeho akabeshaho ibindi biremwa, A-RAHIM: Umunyempuhwe zihebuje, A-RAZAQ: Utanga amafunguro, AL KARIM: Umugiraneza.

Allah Nyir'ubutagatifu muri Qur'an Ntagatifu yaravuze ati: **الْحَيُّ الْقَيُّومُ لَا تَأْخُذُهُ (اللَّهُ لَا إِلَهَ إِلَّا هُوَ) إِلَّا بِإِدْبِهِ يَعْلَمُ مَا بَيْنَ أَيْدِيهِمْ وَمَا خَلْفَهُمْ وَلَا السَّمَوَاتِ وَمَا فِي الْأَرْضِ مَنْ ذَا الَّذِي يَشْفَعُ عِنْدَهُ سِنَّةً وَلَا نَوْمَ لَهُ مَا فِي الْعَظِيمِ) السَّمَوَاتِ وَالْأَرْضِ وَلَا يُتَوَدُّ حِفْظُهُمَا وَهُوَ الْعَلِيُّ يُحِيطُونَ بِشَيْءٍ مِنْ عِلْمِهِ إِلَّا بِمَا شَاءَ وَسِعَ كُرْسِيُّهُ** ni we Mana y'ukuri) nta yindi mana ikwiye gusengwa by'ukuri uretse We, Uhoraho (Nyirubuzima bwuzuye buzira inenge), Uwigize, akanabeshaho ibiriho byose. Ntafatwa no guhunyiza habe n'ibitotsi. Ibiri mu birere n'ibiri mu isi ni ibye. Ni inde wagira uwo avuganira iwe uretse ku burenganzira bwe? Azi ibyababayeho (ku isi) n'ibizababaho (ku mperuka). Kandi nta n'icyo bamenya mu bumenyi bwe uretse icyo ashaka. Kursiyu ye ikwiriye ibirere n'isi, kandi ntananizwa no kubirinda (ibirere n'isi). Ni na We Uwikirenga, Uhambaye.)[Al Baqarat: 255.]

Allah nanone yaravuze ati: **(قُلْ هُوَ اللَّهُ أَحَدٌ ١) (اللَّهُ الصَّمَدُ ٢) (لَمْ يَلِدْ وَلَمْ يُولَدْ ٣) (وَلَمْ يَكُنْ لَهُ كُفُوًا أَحَدٌ ٤)** Vuga (yewe Muhamadi) uti: "We ni Allah, umwe Rukumbi," (1) Allah, Uwishingikirizwa, (2) Ntiyabyaye kandi ntiyanabyawe, (3) Ndetse nta na kimwe ahwanye na cyo. (4)[Al Ikhlasw: 1-4]

Nyagasani ugaragirwa afite ibisingizo byuzuye.

Mu bisingizo bye byuzuye ni uko ari we Usengwa ndetse Ugaragirwa, naho ibindi bitari we ni ibiremwa, bihabwa amategeko, kandi bidafite ububasha.

Mu bisingizo bye byuzuye nuko ari Uhoraho ufite ubuzima buzira inenge, Uwibeshejeho akaba anabeshajeho ibiremwa bitari we. Bityo buri icyo ari cyo cyose kiriho, Allah niwe wagihaye ubuzima, ndetse atuma kibaho, ndetse ni nawe ukibeshejeho anagiha ibigitunga, kandi niwe ugihagirije. Ku bw'ibyo Nyagasani ni muzima kandi ntajya apfa, nta n'igihe kizabaho adahari, yibesheho nta nkunga acyeneye ku biremwa bye, ntaryama, nta n'ubwo ajya afatwa no guhunyiza cyangwa se ibitotsi.

Mu bisingizo bye kandi nuko ari Umumenyi uhebuje, utajya ayoberwa na kimwe, haba hano mu isi ndetse no mu kirere.

Mu bisingizo bye kandi nuko ari Uwumva bihebuje, Ubona bihebuje, yumva buri icyo ari cyo cyose, ndetse akabona buri kiremwa, azi neza ibishuko byo mu mitima yabo, ndetse n'ibihishe mu bituza byabo. Nta na kimwe kimwisoba cyaba mu isi cyangwa se mu kirere.

Mu bisingizo bye kandi nuko ari we Ufite ubushobozi buhebuje, utananirwa no gukora icyo ashatse, cyangwa se ngo hagire uburizamo ugushaka kwe, akora icyo ashatse,

akabuza icyo ashatse, abanza icyo ashatse agacyereza icyo ashatse, kandi ibyo byose biba birimo ubushishozi bwe buhambaye.

Mu bisingizo bye kandi nuko ari we Muremyi, Utanga amafunguro, Umugenga; we waremye ibiremwa ndetse akaba ari nawe ubigenga, kandi ibiremwa bye byose biri munsu y'ububasha bwe n'itegeko rye.

Mu bisingizo bye kandi nuko yumva akanasubiza umusabye akomerewe, agatabara umwitabaje, agakura mu ngorane ubimusabye, kandi buri kiremwa gihuye n'ingorane n'amakuba niwe kigarukira cyanze gikunze.

Kugaragira nta wundi bikwiye gukorerwa uretse Allah Nyir'ubutagatifu, kuko ari we wenyine ubikwiye nta wundi. Na buri icyo ari cyo cyose kigaragirwa kitari we, kiba kigaragirwa kitabikwiye, kandi gifite inenge, kizanapfa ndetse kikavaho.

Allah Nyir'ubutagatifu yaduhaye ingabire y'ubwenge bubasha kubona ubuhambare bwe, ndetse ashyira muri twe kamere yo gukunda icyiza no kwanga ikibi, no kugira ituze igihe bugarukiye Allah Nyagasani w'ibiremwa byose. Iyo kamere ni yo igaragaza ubutungane bwe, ndetse ko adakwiye kwitirirwa inenge iyo ari yo yose.

Ntibikwiye ku muntu ufite ubwenge kugaragira undi uwo ari we wese uretse umuziranenge, none ni gute yagaragira ikiremwa nkawe gifite inenge, cyangwa kiri munsu kumurusha?!

Ugaragirwa kandi ntakwiye kuba umuntu cyangwa se igishushanyo cyangwa se igiti cyangwa se inyamaswa!

Nyagasani ari hejuru y'ibirere, aganje hejuru ya Arshi ye, agaragara kurusha ibiremwa bye, nta na kimwe mu bimugize ahuje n'ibiremwa bye, cyangwa se ibigize ibiremwa bye bihuje nawe, ntajya agaragara mu kintu ngo yishushanye nka kimwe mu biremwa bye.

Nyagasani ntacyo ahwanye nacyo kandi niwe wumva bihebuje, ubona bihebuje. Nta cyo asa nacyo, kandi ntacyo acyeneye ku biremwa bye, nta ryama, nta n'ubwo aya ibyo kurya. Ni Uw'ikirenga nta cyeneye umugore cyangwa se umwana; Niyo mpamvu Umuremyi afite ibisingizo bihambaye, kandi ntibishoboka na rimwe kuba yarangwa no kuba hari icyo acyeneye cyangwa se inenge.

Allah Nyir'ubutagatifu aragira ati: (يَا أَيُّهَا النَّاسُ ضُرِبَ مَثَلٌ فَاذْكُرُوا لَهُ إِنَّ الَّذِينَ تَدْعُونَ مِنْ دُونِ اللَّهِ لَنْ يَخْلُقُوا ذُبَابًا وَلَوْ اجْتَمَعُوا لَهُ وَإِنْ يَسْلُبْهُمُ الذُّبَابُ شَيْئًا لَا يَسْتَنْقِذُوهُ مِنْهُ ضَعُفَ الطَّالِبُ يُخَلِّقُوا ذُبَابًا وَلَوْ اجْتَمَعُوا لَهُ وَإِنْ يَسْلُبْهُمُ (73) (Yemwe bantu! Mwahawe urugero, ngaho nimurutege amatwi! Mu by'ukuri ibyo musenga bitari Allah ntibishobora kurema n'isazi kabone n'ayo byayiteraniraho. Kandi n'ayo iyo sazi yagira icyo ibyambura, ntibyashobora kucyisubiza. Bityo, usaba n'usabwa bose ni abanyantege nke!) (73) مَا قَدَرُوا اللَّهَ حَقَّ قَدْرِهِ إِنَّ اللَّهَ (74) (Ababangikanyamana) ntibahaye Allah icyubahiro kimukwiye. Mu by'ukuri Allah ni Umunyembaraga, Umunyacyubahiro bihebuje.) (74)[Al Hajj: 73-74]

KUBERA IKI UYU MUREMYI UHAMBAYE YATUREMYE? NI IKI ADUCYENEYEHO?

Ese byaba bijya mu bwenge ko Allah yarema ibi biremwa byose nta mpamvu, ese byaba byumvikana ko yabiremye akina kandi ari we wuje ubushishozi, umumenyi uhebuje?

Ese byaba bijya mu bwenge ko uwaturemye muri ubu buryo butunganye kandi bunoze, akatworohereza ibiri mu birere no mu isi ko yaturema nta mpamvu? Cyangwa se nyuma yo kuturema agaterera iyo ataduhaye ibisubizo by'ibibazo by'ingenzi twibaza muri ubu buzima, nko kwibaza ngo: Kuki turi hano? Nyuma y'urupfu bizagenda bite? Twaremewe iki?

Ese byaba bijya mu bwenge ko nta bihano bizabaho ku nkozi y'ibibi n'ingororano ku wakoze neza?

Allah Nyir'ubutagatifu aragira ati: (أَفَحَسِبْتُمْ أَنَّمَا خَلَقْنَاكُمْ: عِبْنَا وَأَنْتُمْ إِلَيْنَا لَا تَرْجِعُونَ) (Ese mukeka ko twabaremye dukina (nta mpamvu), kandi ko mutazagarurwa iwacu?)[Al Mu'uminuna: 115]

Ahubwo Allah yohereje Intumwa kugira ngo zitumenyeshe iyo mpamvu yatumye turemwa, ndetse n'uburyo dukwiye kumugaragira no kumwiyegereza, no kumenya icyo aducyeneyehe, no kumenya icyatuma tugera ku kwishimirwa nawe, anatubwira iherezo ryacu nyuma y'urupfu!

Allah kandi yohereje intumwa kugira ngo zitumenyeshe ko ari we wenyine ukwiye kugaragirwa, ndetse no kumenya uburyo dukwiye kumugaragira, ndetse no kumenya ibyo yategetse n'ibyo yabujije, no kutwigisha indangagaciro zihebuje turamutse tuzishyize mu ngiro ubuzima bwacu bwagenda neza, bugasabwa n'ibyiza ndetse n'imigisha.

Allah yohereje Intumwa nyinshi nka (Nuhu, Ibrahim, Mussa, Issa) abashyigikiza n'ibimenyetso n'ibitangaza bigaragaza ko bavugaga ukuri kandi koko boherezwe na Allah Nyir'ubutagatifu, uwabasozerereje yari Muhamadi (Imana imuhe amahoro n'imigisha).

Izo Ntumwa za Allah zatubwije ukuri ko ubu buzima ari ibigeragezo, kandi ko ubuzima nyabwo ari ubwa nyuma y'urupfu.

Kandi ko hari ho ijuru ku bemeramana bagaragiye Allah wenyine batamubangikanya, bakemera Intumwa ze zose, ndetse ko hari n'umuriro ku bahakanyi babangikanyije Allah n'ibindi bakanahakana umwe mu Ntumwa ze.

Allah Nyir'ubutagatifu aragira ati: (رُسُلٌ مِنْكُمْ يَفْضُلُونَ عَلَيْكُمْ آيَاتِي فَمَنْ اتَّقَى وَأَصْلَحَ (يَا بَنِي آدَمَ إِمَّا يَأْتِيَنَّكُمْ: ٣٥) (Yemwe bene Adamu! Nimuramuka mugezweho n'Intumwa zibakomokamo, zikabasobanurira ibimenyetso byanjye, rwose abazatinya (Allah) bakanakora ibikorwa byiza, nta bwoba bazigera bagira habe n'agahinda. (35) وَالَّذِينَ

Allah niwe wohereje Intumwa, ategeka ibiremwa bye byose kuzumvira; bityo uzahakana ubutumwa bw'imwe muri izo Ntumwa, uwo azaba ahakanye Intumwa zose, kandi nta cyaha gihambaye kiruta kuba umuntu yahakana ubutumwa Allah yahishuye, niyo mpamvu ari ngombwa ko kugira ngo umuntu azinjire mu ijuru agomba kwemera Intumwa za Allah zose.

Ni itegeko rero kuri buri uwo ari we wese muri ibi bihe kwemera Allah ndetse akanemera Intumwa za Allah zose, akemera umunsi w'imperuka, kandi ibyo ntiyabigeraho atemeye ngo akurikire uwazisozereje ari we Muhamadi (Imana imuhe amahoro n'imigisha), Allah yashyigikiye akoresheje igitangaza cy'ibihe byose ari cyo Qur'an Ntagatifu, ndetse yishingiye kuzarinda icyo gitabo kugeza ubwo azisubiza isi n'ibiyiraho.

Allah muri Qur'an Ntagatifu yavuze ko uwanze kwemera Intumwa imwe mu Ntumwa ze, uwo aba ahakanye Allah ndetse anahinyuye ubutumwa yahishuye. Allah Nyir'ubutagatifu aragira ati: *وَيَقُولُونَ نُوْمِنُ بِبَعْضِ وَنَكْفُرُ بِبَعْضٍ وَرُسُلِهِ وَيُرِيدُونَ أَنْ يُفَرِّقُوا بَيْنَ اللَّهِ وَرُسُلِهِ (إِنَّ الَّذِينَ يَكْفُرُونَ بِاللَّهِ أَنْ يَتَّخِذُوا بَيْنَ ذَلِكَ سَبِيلًا) (١٥٠) وَيُرِيدُونَ أَنْ* bakanashaka gutandukanya Allah n'Intumwa ze, bavuga bati "Twemera zimwe tugahakana izindi", bagashaka kugira inzira yo hagati no hagati (itari iy'ukwemera cyangwa iya gihakanyi) (150). *أُولَئِكَ هُمُ الْكَافِرُونَ حَقًّا وَأَعْتَدْنَا لِلْكَافِرِينَ*. (Abo ni bo bahakanyi nyabo, kandi twateguriye abahakanyi ibihano bisuzuguzwa) (151). [A-Nisa'u: 150-151]

Niyo mpamvu twe abayisilamu twemera Allah tukemera n'umunsi w'imperuka (nk'uko Allah yabidutegetse), ndetse tukanemera Intumwa zose n'ibitabo byose byabanje. Allah Nyir'ubutagatifu aragira ati: *بِاللَّهِ وَمَلَائِكَتِهِ وَكُتُبِهِ بِمَا أَنْزَلَ إِلَيْهِ مِنْ رَبِّهِ وَالْمُؤْمِنُونَ كُلٌّ آمَنَ (آمَنَ الرَّسُولُ: Intumwa (Muhamadi) "رَبَّنَا وَإِلَيْكَ الْمَصِيرُ) أَحَدٌ مِنْ رُسُلِهِ وَقَالُوا سَمِعْنَا وَأَطَعْنَا غُفْرَانَكَ وَرُسُلِهِ لَا نُفَرِّقُ بَيْنَ* yemeye ibyoyahishuriwe biturutse kwa Nyagasani wayo ndetse n'abemera (barabyemeye). Bose bemeye Allah, abamalayika be, ibitabo byen'Intumwa ze; (bavuga bati) "Nta n'imwe turobanura mu Ntumwa ze." Baranavuga bati "Twumvise kandi twumviye. Turagusaba imbabazi, Nyagasani wacu! Kandi iwawe ni ho byose bizasubira." (285)[Al Baqarat: 285]

QUR'AN NTAGATIFU NI IKI?

Qur'an Ntagatifu ni amagambo ya Allah yahishuriye Intumwa ya sozereje izindi ari yo Muhamadi, ikaba ari yo gitangaza gihambaye kigaragaza ukuri k'ubuhanuzi bw'Intumwa Muhamadi (Imana iyihe amahoro n'imigisha). Qur'an Ntagatifu ni ukuri byaba mu mategeko yayo, ndetse n'ibyo yatubwiye. Allah kandi yayitegeje abahakanyi ababwira ko bazana igice kimwe kimeze nk'ibice biyigize birabananira, kubera ubuhambare bw'ibiyikubiyemo, n'uburyo ibiyikubiyemo ari rusange bivuga ku mpande zose z'ubuzima umuntu anyuramo haba hano ku isi, ndetse azananyuramo ku munsi w'imperuka. Ikubiyemo kandi ibijyanye n'ukwemera umuntu aba ategetswe kwemera. Qur'an ikubiyemo kandi ibyategetswe gukorwa n'ibyabujijwe umuntu agomba kwitwararika hagati ye na Nyagasani we, no hagati ye nawe ubwe, cyangwa se hagati ye n'ibindi biremwa. Ibyo byose byavuzwe mu buryo bwuje ubuhanga n'ubuvanganzo. Qur'an Ntagatifu kandi ikubiyemo byinshi muri gihamba nyurabwenge, n'ibindi bimenyetso

Bityo idini ry'ubuyisilamu ni gahunda rusange y'ubuzima, ihuje na kamere ndetse n'ubwenge, n'imitima itunganye irabwemera. Umuremyi Uhambaye yashyizeho ari amategeko agomba kugenga ibiremwa bye, bukaba ari n'idini ryigisha ibyiza n'umunezero ku bantu bose haba hano ku isi ndetse no ku muni w'imperuka. Ntiburobanura ubwoko runaka, cyangwa se ibara ry'uruho runaka, abantu bose muri ryo bararushya, kandi nta n'umwe usumba mugenzi we usibye umurusha ibikorwa byiza bitunganye.

Allah Nyir'ubutagatifu aragira ati: (أَنْتَىٰ وَهُوَ مُؤْمِنٌ فَلَنُحْيِيَنَّهٗ حَيٰوةً طَيِّبَةً مِّنْ عَمَلٍ صٰلِحًا مِّنْ ذَكَرٍ أَوْ) (وَلَنَجْزِيَنَّهُمْ أَجْرَهُم بِأَحْسَنِ مَا كَانُوا يَعْمَلُونَ) (Ukora ibyiza yaba ari umugabo cyangwa umugore, ari umwemera tuzamubeshaho ubuzima bwiza, kandi tuzabahemba kubera ibyiza bakoraga). [A-Nah'l: 97]

Isilamu ni inzira y'umunezero.

Isilamu ni idini ry'Intumwa zose n'abahanuzi, ikaba ari n'idini rya Allah yahitiyemo abantu bose, ntabwo ari idini ry'umwihariko ku barabu gusa.

Isilamu ni inzira iganisha ku munezero w'ukuri wo mu buzima bwa hano ku isi, ndetse n'ingabire zihoraho zo mu buzima bwo ku muni w'imperuka.

Isilamu ni ryo dini ryonyine risubiza ibyo roho n'umubiri bicyeneye, rikanatanga ibisubizo by'ibibazo byose ikiremwa muntu gihura nabyo. Allah Nyir'ubutagatifu aragira ati: (اتَّبِعْ هٰدِيَٓ فَلَا يَضِلُّ وَلَا يَشْقَىٰ (123) بَعْضُكُمْ لِبَعْضٍ عَدُوٌّ فَاِمَا يٰٓاْتِيَنَّكُمْ مِّنِّي هُدًى فَمَنِ (قَالَ اهْبِطَا مِنْهَا جَمِيعًا) " (Allah) aravuga ati: "Nimumanuke mwembi murivemo (mujye ku isi), bamwe muri mwe ari abanzi b'abandi (abantu bazaba abanzi ba Shitani, ndetse na we abe umwanzi wabo). Kandi umuyoboro wanjye nuramuka ubagezeho, uzakurikira uwo muyoboro wanjye ntazigera ayoba cyangwa ngo agorwe." (123) وَمَنْ (أَعْرَضَ عَن ذِكْرِي فَإِنَّ لَهُ مَعِيشَةً ضَنْكًا) "Ariko uzirengagiza urwibutso rwanjye, mu by'ukuri azagira ubuzima bw'inzitane ndetse no ku muni w'imperuka tuzamuzura ari impumyi." (124) [Twaha: 123-124].

BINYUNGURA IKI KUJYA MU BUYISILAMU?

Kujya mu buyisilamu bifite inyungu zihambaye, zimwe muri zo:

-Ni ukubona intsinzi n'icyubahiro hano ku isi, aho umuntu aba umugaragu wa Allah wenyine, bitaba ibyo akaba umugaragu w'irari rye, na Shitani, ndetse n'amarangamutima ye.

-Kuzagira intsinzi ku muni w'imperuka, aho Allah azamubabarira ibyaha, akamwishimira, ndetse akazamwinjiza mu ijuru, akazatsindira kwishimirwa na Allah n'ingororano zihoraho no kuzarokoka ibihano by'umuriro.

AGAKURIKIRA INTUMWA Y'IMANA MUHAMADI (IMANA IMUHE AMAHORO N'IMIGISHA).

Mu bintu by'ukuri abahanuzi n'intumwa z'Imana (Imana ibahe amahoro n'imigisha) bahurijeho nuko nta n'umwe uzarokoka ibihano byo ku muni w'imperuka usibye abayisilamu bemeye Allah Nyir'ubutagatifu, bakirinda kumubangikanya n'ikindi cyose, bakemera abahanuzi bose n'intumwa zose. Bityo abakurikiye Intumwa bakazemera bakanahamya ukuri kw'ibyo zaje kwigisha bazinjira mu ijuru, ndetse bazarokoka umuriro.

Bityo abantu bari bariho ku gihe cya Mussa, bakamwemera, ndetse bagakurikiza inyigisho ze, abo ni abayisilamu b'abemera kandi bakora ibikorwa byiza. Ariko nyuma y'uko Allah yohereje Issa, abakurikiye Mussa bose bagombaga kwemera Issa no kumukurikira. Abemeye Issa nabo ni abayisilamu bakora ibikorwa byiza, n'uwanze kwemera Issa akavuga ati: Nzahama ku idini rya Mussa, uwo ntabwo yari umwemeramana w'ukuri, kuko yanze kwemera Intumwa Allah yohereje. Nyuma y'uko Allah yohereje Intumwa ya nyuma yazisozereje ari yo Muhamadi (Imana imuhe amahoro n'imigisha) abantu bose bagomba kumwemera; kubera ko Nyagasani ari we wohereje Mussa na Issa, ndetse ni nawe wohereje Intumwa Muhamadi yazisozereje. Bityo uwahakana ubutumwa bwa Muhamadi (Imana imuhe amahoro n'imigisha), akavuga ati: Nzahama ku idini rya Mussa cyangwa se rya Issa, uwo nawe azaba atari umwemeramana by'ukuri.

Ntabwo bihagije ko umuntu yavugaga ko yubaha abayisilamu, nta n'ubwo kuba yatanga amaturo agafasha abakene bihagije ko byazamurokora ku muni w'imperuka, ahubwo agomba no kwemera Allah n'ibitabo bye n'Intumwa ze, ndetse n'umunsi w'imperuka, kugira ngo Allah azamwakirire ibikorwa yakoze! Kuko nta cyaha gihambaye kiruta ibangikanyamana no guhakana Allah, no kwanga kwemera ubutumwa Allah yahishuye, ndetse no guhakana ubutumwa bwahishuriwe uwasozereje Intumwa zose ari we Muhamad (Imana imuhe amahoro n'imigisha).

Niyo mpamvu abayahudi n'abanaswara ndetse n'abandi bumvise ko Intumwa y'Imana Muhamadi (Imana iyihe amahoro n'imigisha) yahishuriwe ubutumwa, bakanga kumwemera ndetse bakanga kuba abayisilamu, bazajya mu muriro wa Jahanamu bawubemo ubuziraherezo. Kandi iri ni itegeko rya Allah, nta bwo ari itegeko ry'umwe mu bantu. Allah Nyir'ubutagatifu aragira ati: (إِنَّ الَّذِينَ كَفَرُوا مِنْ أَهْلِ الْكِتَابِ وَالْمُشْرِكِينَ فِي نَارٍ جَهَنَّمَ الَّذِينَ كَفَرُوا مِنْ أَهْلِ الْكِتَابِ وَالْمُشْرِكِينَ فِي نَارٍ جَهَنَّمَ خَالِدِينَ فِيهَا أُولَئِكَ هُمْ شَرُّ الْبَرِيَّةِ) (Mu by'ukuri abahakanye bo mu bahawe igitabo ndetse n'ababangikanyamana bazaba mu muriro wa Jahanamu ubuziraherezo; abo ni bo babi mu biremwa.) [Al Bayyinat: 6]

No kuba harahishuwe ubutumwa bwa nyuma buturutse kwa Allah yahishuriye ikiremwa muntu, ni ngombwa ko buri muntu wumvise ubuyisilamu, akumva ubutumwa bwahishuriwe Intumwa ya nyuma ariyo Muhamadi (Imana imuhe amahoro n'imigisha), agomba kumwemera, agakurikiza amategeko ye yategetse n'ibyo yabujije. Niyo mpamvu

uzumva ubu butumwa bwa nyuma akabuhakana, Allah ntazamwakirira ibyo yakoze, kandi ku muni w'imperuka azamuhana.

Na zimwe muri gihamya z'ibi, ni imvugo ya Allah Nyir'ubutagatifu igira iti: (وَمَنْ يَتَّبِعْ غَيْرَ (وَمَنْ يَتَّبِعْ غَيْرَ) (Uzahitamo idini ritari Isilamu, ntabwo azaryakirirwa, kandi ku muni w'imperuka azaba mu banyagihombo.) [Al Imran: 85].

Allah Nyir'ubutagatifu nanone yaravuze ati: (قُلْ يَا أَهْلَ الْكِتَابِ تَعَالَوْا إِلَى كَلِمَةٍ سَوَاءٍ بَيْنَنَا وَبَيْنَكُمْ أَلَّا نَعْبُدَ إِلَّا نَعْبُدَ (قُلْ يَا أَهْلَ الْكِتَابِ تَعَالَوْا إِلَى كَلِمَةٍ سَوَاءٍ بَيْنَنَا وَبَيْنَكُمْ أَلَّا نَعْبُدَ إِلَّا نَعْبُدَ) (Uzahitamo idini ritari Isilamu, ntabwo azaryakirirwa, kandi ku muni w'imperuka azaba mu banyagihombo.) [Al Imran: 64].

NI IKI NSABWA KUGIRA NGO MBE UMUYISILAMU?

Kugira ngo ube umuyisilamu, ugomba kwemera izi nkingi esheshatu zikurikira:

Kwemera Allah Nyir'ubutagatifu, ko ari we Muremyi, Utanga amafunguro, Umugenga, Umwami, ntacyo ahwanyeye nacyo, nta mugore n'umwana afite, kandi niwe wenyine ukwiye kugaragirwa, kandi ko nta wundi ukwiye kubangikanywa nawe. No kwemera ko kugaragira ibindi bitari we ari imfabusa.

Kwemera abamalayika ko ari abagaragu ba Allah Nyir'ubutagatifu, yabaremye mu rumuri, no mu mirimo bashinzwe akaba yarashyizemo kuzana ubutumwa ku Ntumwa ze mu bantu.

Kwemera ibitabo bya Allah byose yahishuriye Intumwa ze nka Tawurat na Injiili- mbere y'uko bihindurwa- n'igitabo cyabisozereje kikaba ari Qur'an Ntagatifu.

Kwemera Intumwa ze zose nka Nuhu, Ibrahim, Mussa, Issa, n'uwazisoreje akaba ari Muhamadi, kandi izo ntumwa zose zikaba zari abantu. Yazishyigikije azihishurira ubutumwa, anaziha ibimenyetso n'ibitangaza bigaragaza ko zari mu kuri.

Kwemera umuni w'imperuka, ubwo Allah azazura ababanje n'abazaheruka, maze akabacira urubanza, akinjiza abemerana mu ijuru n'abahakanyi mu muriro.

Kwemera igeno, no kwemera ko Allah azi buri kintu ibyakibayeho mu bihe byashize n'ibizakibaho mu bihe bizaza, kandi ko Allah yari abizi kuva na mbere ndetse aranabyandika, akaba ari nawe ushaka ko bibaho, kandi akaba ari nawe wabiremye.

WICYEREZA GUFATA UMWANZURO!

Allah Nyir'ubutagatifu yatubwiye ko benshi mu bantu banga kujya mu buyisilamu kubera gutinya abo baturanye nabo.

Na benshi banga kuba abayisilamu kubera ko badashaka guhindura imyemerere yabo bazunguye ku babyeyi babo n'abakurambere babo, cyangwa se aho bakuriye n'imiryango bakuriyemo, bamenyereye; abandi benshi babuzwa kuba abayisilamu kubera ubwibone n'ubwirasi no gushyigikira ikinyoma bagiye bakomora ku bandi.

Abo bose urwitwazo rwabo nta shingiro rufite, kandi bazahagarikwa imbere ya Allah nta ngingo n'imwe bafite ibarengere.

Nta rwitwazo rero umuhakanyi utemera Imana afite rwo kuba yavuga ngo nzahama mu buhakanyi kuko navukiye mu muryango w'abatemera Imana! Ahubwo aba asabwa gukoresha ubwenge bwe Allah yamuhaye, agatekereza ku buhambare bw'ibirere n'isi, agatekereza akoresheje ubwenge Allah Umuremyi we yamuhaye, kugira ngo abone ko ibi biriho bifite uwabiremye. Ni nk'uko usenga amabuye n'ibigirwamana nawe nta rwitwazo afite rwo kuvuga ko akurikira abakurambere be, ahubwo agomba gushakisha ukuri ndetse akanibaza ati: Ni gute ngaragira ibitanyumva ntibimbone, ntibibe hari n'icyo bimariye?!

Ni nk'uko n'umunaswara wemera ibihabanye na kamere n'ubwenge, agomba kwibaza ati: Ni gute Nyagasani yakemera ko umwana we yicwa nta cyaha yakoze ahubwo ari ukubera ibyaha by'abandi bantu?! Ibi byaba ari amahugu! Ni gute abantu babamba bakica umwana w'Imana!? Ese Imana Nyagasani ntishoboye kuba yababarira abantu ibyaha byabo itabanje kubareka ngo bice umwana wayo? Ese Imana Nyagasani ntishoboye kurengera no gutabara umwana wayo?

Umunyabwenge rero ategetswe gukurikira ukuri, no kudakurikira ababyeyi be n'abakurambere be mu binyoma.

Allah Nyir'ubutagatifu aragira ati: **أَنْزَلَ اللَّهُ وَإِلَى الرَّسُولِ قَالُوا حَسْبُنَا مَا وَجَدْنَا (وَإِذَا قِيلَ لَهُمْ تَعَالَوْا إِلَى مَا عَلَيْنَا آباءنا أُولُو كَانِ آبَاؤُهُمْ لَا يَعْلَمُونَ شَيْئاً وَلَا يَهْتَدُونَ)** (Kandi n'iyi babwiye bati "Nimukurikire ibyo Allah yahishuye, munakurikire Intumwa (Muhamadi)." Baravuga bati "Ibyo twasanze abakurambere bacu bakurikira biraduhagije." Ese n'ubwo abakurambere babo nta cyo baba bari bazi cyangwa bataranayobotse (bari kubakurikira?). [Al Maidat: 104].

UMUNTU USHAKA KUBA UMUYISILAMU ARIKO AKABA ATINYA KO ABANYAMURYANGO WE BAMUMERERA NABI YAKORA IKI?

Umuntu ushaka kuba umuyisilamu, akaba atinya abamukikije ko bamugirira nabi, ashobora kuba we ntahite agaragaza ubuyisilamu bwe kugeza igihe Allah amworoherewe inzira y'ibyiza yigengamo, maze akaba ari bwo abona kugaragaza ubuyisilamu bwe.

Ni ngombwa ko umuntu ahita aba umuyisilamu, ariko si ngombwa kuri we kumenyesha abamukikije ko yabaye umuyisilamu cyangwa se ngo abigaragaze, mu gihe abona ko byamugiraho ingaruka.

Kandi uzirikane ko umuntu iyo abaye umuyisilamu aba abaye umuvandimwe wa bagenzi be babarirwa muri za miliyoni, ku buryo ashobora no kuvugana n'ubuyobozi bw'umusigiti uwo ari wo wose cyangwa se ikigo ndangamuco cya Kisilamu mu gihugu cye, akabagisha inama ndetse bakaba banabimufashamo, ibyo bizabanezeza.

Allah Nyir'ubutagatifu aragira ati: (وَمَنْ يَتَّقِ اللَّهَ يَجْعَلْ لَهُ مَخْرَجًا: وَأَنْ يَرْزُقْهُ مِنْ حَيْثُ لَا يَحْتَسِبُ) (Kandi ugandukira Allah, amucira icyanzu, Akanamuha amafunguro mu buryo atakekaga...)[A-TWALAQ: 2-3]

Muvandimwe musomyi w'umunyacyubahiro;

Ese gushimisha Allah umuremyi waduhundagajeho ingabire ze, akaba yaraduhaye ibidutunga tukiri impinja mu nda za ba mama, akaduha umwuka duhumeka n'ubu, si byo by'ingenzi kuruta gushimisha abantu?

Ese kubona intsinzi ya hano ku isi no ku munsu w'imperuka sibyo umuntu akwiye kwitangira kuruta ibindi yitangira byo muri ubu buzima bishira? Ni ko bimeze ku izina rya Allah!

Niyo mpamvu bidakwiye ko umuntu areka ahahise he hakamubuza gukosora amakosa no gukora ibikwiye.

Umuntu akwiye kuba umwemeramana by'ukuri uyu munsu! Ntiyemerere Shitani kumubuza gukurikira ukuri!

Allah Nyir'ubutagatifu aragira ati: (يَا أَيُّهَا النَّاسُ قَدْ جَاءَكُمْ {بُرْهَانٌ مِنْ رَبِّكُمْ وَأَنْزَلْنَا إِلَيْكُمْ نُورًا مُبِينًا} 174) (Yemwe bantu! Mu by'ukuri, mwagezweho n'ikimenyetso (Intumwa Muhamadi) giturutse kwa Nyagasani wanyu; kandi twabahishuriye urumuri rugaragara (Qur'an) (فَسَيُدْخِلُهُمْ فِي رَحْمَةٍ مِنْهُ وَقُضِلَ وَيَهْدِيهِمْ إِلَيْهِ فَأَمَّا الَّذِينَ آمَنُوا بِاللَّهِ وَاعْتَصَمُوا بِهِ. (174) Bityo ba bandi bemeye Allah bagafatana urunana kuri We (bamugandukira), azabinjiza mu mpuhwe n'ingabire bye, kandi abayobore iwe mu nzira igororotse.))[A-Nisa'u: 174-175]

ESE WITEGUYE GUFATA UMWANZURO UKOMEYE MU BUZIMA BWawe?

Niba ibi twavuze binyuze ubwenge, kandi umuntu akaba yamenye ukuri mu mutima we, akwiye gutera intambwe ya mbere imuganisha ku kuba umuyisilamu.

Kandi n'ucyenyeye ubufasha bwo kuwufata no kumuyobora uburyo yaba umuyisilamu;

